

GUK'ANAHTII KAT DAGINUU GWIINGWAN TR'IGWIŁTSAIL

Arctic ts'at north gwa'an gò'ail gwiiyeendoo niinzhu Canada guukè'gata'aih kwàh. Ezhik gwa'an t'aniinch'uu kat guuveenjit gugoontrii gwizhìt guuts'at tr'igiinjih kwaa gwizhìt tr'igwinah'inh kwàh. Arctic gwa'an t'aniinch'uu kat guuveenjit gugoontrii geenjit adits'at tr'igiheendal giiniindhan ts'at agidanh jii geenjit dagwiheedya'aa gahgidandaih. Canada Eenjit Iisrits'at Chit Kat gwiiyeendoo Arctic gwizhìt gugwahnah'aa geenjit gò'aih, Canada gwizhìt gehneet'ail geenjit gwitr'it gwahtsii geenjit federal government tseedhòh gwits'an gugwahahtsaa ts'at guuts'at tr'igiheendal geenjit gwijiinchii gò'aih. Yì'èenji' gwichìt kat guuts'at tr'igiinjih kwaa k'iighè' Arctic gwizhìt k'eejit kat guuveenjit gwiiyeendoo gugoontrii. Nihàh gehneet'ail geenjit gwitr'it gugwahahtsaa gò'ail duuyeh ekhè' guguunuh.

Dagweedi'in' geenjit gugwidinuut'oo uuzrii, *Yakaih: Canada Yeendòo Dagwiheech'aa Iinch'iits'at Gugwinah'ii*, Arctic t'at Canada eenjit yeendòo gwijiinchii gò'ail jii Arctic geenjit Special Senate Committee gahgidandail k'iighè' jii uuzrii gwits'an gałtsaih. Jii dineht'eh k'iighè' gahgwiheedandail gwijiinchii gò'aih. "Arctic gwa'an gwiinchii ejùk t'igwinjik k'iighè' gwa'an t'aniinch'uu kat guuveenjit gugoontrii" geenjit nadhat kat jii geenjit gwizhìt gugwinah'inh.¹ Canada Eenjit Iisrits'at Chit Kat, Arctic geenjit dagwiheedya'aa geenjit gwitr'it gugwahahtsaa gisrii nigugwinii'aih gwizhìt Canada kheenjit chit heelyaa ts'at gugwehdeendał kwaa gwiheelyah, guuts'at tr'igiheendal geenjit gugwihee'aa ts'at nihts'at giheedaa gugwiheetrii kwaa geenjit tseedhòh gwizhìt nigiheelyaa k'iighè' Arctic gwizhìt kaiik'it gò'ail gwiinzii gwihee'ah. Jii gugwidinuut'oo gwik'it adai' hee tr'igwiłtsail gwizhìt,² Arctic gwa'an t'aniinch'uu kat guuveenjit dagwiheedya'aa ginuu tth'aih akoo diginuh.

Arctic Gwa'an Canada Khè' Adits'at K'agugwahaadhat

Canada gwindii kaiik'it nihlinehch'i' kat Northwest Passage gwa'an nan zhìt ejiiich'ii gòonlii giiniindhan, Arctic gwa'an t'aniinch'uu gugwinah'in'. Canada Eenjit Iisrits'at Chit Kat jii Canadian Arctic gugwehdeendał kwaa ts'at khè' adits'at k'agugwihaadhat guk'agahnahtyaa, jii geenjit nadhat kat akoo diginuh. Arctic gwa'an kaiik'it gò'ail tseedhòh gahdaatsaa, yeendòo tthak gwihee'aa ts'at guugwehdeendał kwaa geenjit guk'atr'ahnahtyaa k'iighè', Arctic ts'at ezhii nànhkak gwidagwidij'è' k'andehgahnahtyaa ts'at adats'at k'agugwihaadhat chan gwizhìt heelyaa jii geenjit nadhat kat giiniindhanh.

Arctic Gwa'an T'aniinch'uu Kat T'aih Guuts'an Tr'igwahtsaih

Canada Eenjit Iisrits'at Chit Kat, Arctic eenjit gwitr'it gugwahtsii geenjit daginuu, jii geenjit nadhat kat guudhiłch'eii. North gwa'an Dinjii Zhuh gwichìt kat ts'at kaiik'it gwitagwinyaanch'uu gwichìt kat North eenjit dagwidij'è' tr'igwahahtsaa jì' North gwizhìt t'aniinch'uu kat khè' guudagwidij'è' gugwahahtsaa ts'at North geenjit gwizraih t'iheech'ah ginuh. Jii geenjit nadhat kat, Canada Eenjit Iisrits'at Chit Kat jùu digiheedya'aa ginuh: 1) Canada Eenjit Iisrits'at Chit guugwitr'it, Arctic gwizhìt North gwichìt, agidanh khè' North geenjit akoo digiheedya'aa gwits'at k'agugwahaadhat giiniindhanh; ail geeghee 2) Canada Eenjit Iisrits'at Chit jùk Arctic gwizhìt kaiik'it gò'ail guuveenjit gwitr'it gałtsii,

¹ Senate of Canada, [Dagweedi'in' Gugwidint'oo](#), ehdiichii 142, 1st Session, 42nd Parliament, 27 September 2017

² Dagwidij'è' tr'igwahtsii Arctic geenjit dagweedi'in' gwi'dineht'ee geeghee gwidinithit'oo gwizhìt nilih.

kaiik'it gwichit, kaiik'it gwitagwinyaanch'uu gwichit ts'at dinjii zhuh gwichit kheenjit jii gwitr'it gugwahahtsaa giiniindhanh.

Arctic Gwa'an Ejuk T'igwinjii K'iighè' Diiyeenjit Gugòontrii K'eejit Natr'igwahahtsaa K'iighè' Gwits'at Tr'itr'iheendał

Arctic gwizhit kaiik'it gò'aa gwizhit t'aniinch'uu kat chuu giheedya'aa, gwiinzii gugwiheendaii, zheh gigiheedya'aa, gè'tr'oonahant zheh nizii gigiheedya'aa ts'at gahahts'ik gwich'it gugwiheendaii, guuveenjit k'eejit tr'igwahtsih kwaa k'iighè' guuveenjit gugòontrii. Arctic gwa'an gwiiyeendoo gwiniidhaa ts'at nan t'eh luu nadhaghahi k'iighè', k'anh gwits'at tr'itr'iheendal geenjit gò'aa iisrits'at tr'igwinah'inh: shih zheii gwiiyeendoo diiyeenjit gò'aa kwaa; chuu choo dak t'idi'in k'iighè' diizheh eenjit gaoguunuu ts'at tan kak natr'ahdadal geenjit gaoguunuh.

Geenjit nadhat kat Arctic gwa'an kaiik'it gwizhit guuveenjit gwiiyeendoo gwiinzii t'igwiheech'aa giiniindhan ts'at Canada Eenjit Iisrits'at Chit kat jùu digiheedy'a'aa giiniindhanh: 1) Arctic gwa'an gwinagoo'ee ejuk t'igwinjik k'iighè' ejuk ts'at zheh gugwahahtsaa geenjit gugwiheeh'ah; 2) gwinagoo'ee ejuk t'igwinjik k'iighè' nit'sòò taii tr'igwahtsii ejuk tr'igwahahtsaa, nits'òò zheh gugwahtsii gwizhit chan heelyah; 3) Arctic gwa'an zheh gwidi'ih kwaa k'anh guuveenjit zheh gugwahahtsaa geenjit tseedhòh gwizhit nigiheelyah aii geeghee ts'at 4) zheh diiyeenjit gugwahtsii geenjit guukat, kaiik'it gwichit, Dinjii Zhuh gwichit ts'at kaiik'it gwitagwinyaanch'uu gwichit nagwidadhat ihlak gwizhit dagweedi'in' guuvah gugwahaandak. Arctic gwizhit nihts'at tr'igijikhii diiyeenjit gò'aa kwaa, neesrit ts'at nihts'at tr'igijikhii ts'at nijin diiyeenjit gò'aa gugwijàht'oo kwaa ts'at shik gwitr'it t'agwah'inh kwàh. Geenjit nadhat kat ts'at juudìn gugwinah'in kat jùu digiiniindhan, nihts'at tr'igiheekhyaa diiyeenjit gwijiinchii ts'at Canada Eenjit Iisrits'at Chit Kat gwiinzii nihts'at tr'igiheekhyaa geenjit gugwahahtsaa ts'at geenjit nan t'eh t'iyah t'itr'iheelyaa geenjit tseedhòh gwizhit nigiheelyah, Canadian Arctic gwa'an jii gidi'inh kwaa gwa'an akòò digiheedya'ah giiniindhanh, March 2020 neegwidadhat gwichih jùu digwiheedya'ah.

Arctic gwa'an gwich'in kat nihàh gwiinzii t'igiheech'aa, yi'èenoo nits'òò tr'igwiindai' gwinjik gugwiheendaii ts'at tseedhòh gahdaatsaa guuveenjit gwiheezaa geenjit iisrit ts'at chit diits'at tr'igiheendal geenjit gò'aa giiniindhanh. Jii dineht'eh gwizhit gò'aa nigugwi'hee'aa jì' yeendòò Canada gwiinzii t'igwiheech'aa giiniindhanh.